

CYFARFOD:	BWRDD PENSIWN
DYDDIAD:	9 CHWEFROR 2026
TEITL:	DATGANIAD STRATEGAETH CYLLIDO
PWRPAS:	I gyflwyno ac adolygu'r Datganiad Strategaeth Cyllido a pholisïau cysylltiedig
ARGYMHELLIAD:	ADOLYGU'R DATGANIAD STRATEGAETH CYLLIDO A PHOLISIAU CYSYLLTIEDIG
AWDUR:	DELYTH JONES-THOMAS, RHEOLWR BUDDSODDI

1. CYFLWYNIAD

- 1.1 Mae'n ofynnol i'r Gronfa adolygu a chyhoeddi Datganiad Strategaeth Cyllido (DSC) erbyn 31 Mawrth 2026 yn dilyn y prisiad teirblynyddol.
- 1.2 Mae'r drafft wedi ei gyflwyno i'r Pwyllgor Pensiynau yn ei cyfarfod ar fore'r 9fed o Chwefror 2026.
- 1.3 Mae'n ofynnol i'r awdurdod gweinyddol ymgynghori gyda'r cyflogwyr sy'n rhan o'r cynllun, yr actiwari ac ymgynghorwyr y gronfa, ac unrhyw rai eraill rydym yn ystyried yn addas.
- 1.4 Bydd yr ymgynghoriad yn digwydd rhwng 10fed Chwefror 2026 a 9fed Mawrth 2026.

2. PRISIAD ACTIWARAIDD

- 2.1 Paratowyd y prisiad actiwaraidd gan ddefnyddio rhagdybiaethau y cytunwyd arnynt gyda'r actiwari. Cyflwynwyd y rhagdybiaethau hyn i'r Pwyllgor Pensiynau i'w cymeradwyo ar 15 Medi 2025.
- 2.2 Mae'r prisiad actiwaraidd teir blynyddol y Gronfa yn cael ei gwblhau ar hyn o bryd. Cynhaliwyd cyfarfod cyflogwyr ar 24 Hydref 2025 pan gyflwynwyd a thrafodwyd y canlyniadau actiwaraidd rhagarweiniol. Mae adroddiadau terfynol yn cael eu paratoi ar gyfer pob cyflogwr ar hyn o bryd.
- 2.3 Dangosodd y canlyniadau rhagarweiniol fod yr holl gyflogwyr bellach gyda gwarged ac felly nid oes ganddynt unrhyw daliadau diffyg i'w gwneud dros y tair blynedd nesaf.

3. DATGANIAD STRATEGAETH CYLLIDO DRAFFT (DSC)

- 3.1 Gweler copi drafft o'r DSC yn atodiad A.
- 3.2 Prif amcanion y strategaeth gyllido yw:
 - cymryd golwg hirdymor doeth i sicrhau'r gofyniad rheoliadol ar gyfer hylifedd hirdymor, gyda digon o arian i dalu buddion i aelodau a'u dibynnyddion

- defnyddio strategaeth fuddsoddi gytbwys i leihau cyfraniadau arian parod hirdymor gan gyflogwyr a chwrdd â'r gofyniad rheoliadol ar gyfer effeithlonrwydd cost hirdymor
- lle bo'n briodol, sicrhau cyfraddau cyfraniadau sefydlog gan gyflogwyr
- adlewyrchu nodweddion gwahanol gyflogwyr i osod eu cyfraddau cyfrannu, gan ddefnyddio strategaeth gyllido dryloyw
- defnyddio mesurau rhesymol i leihau'r risg y bydd cyflogwr yn methu â chyflawni ei ymrwymadau pensiwn

3.3 Mae'r Datganiad Strategaeth Cyllido wedi'i baratoi gyda cymorth actiwari'r Gronfa, Hymans Robertson.

4. POLISIÂU CYSYLLTIEDIG

4.1 Yn ogystal â'r wybodaeth a gyflwynir yn y Datganiad Strategaeth Cyllido, mae polisïau ychwanegol sydd hefyd yn bwydo i mewn i'r Datganiad Strategaeth Cyllido. Y polisïau ydi:

Atodiad Dd: Polisi ar ragdalau cyfraniadau
 Atodiad E: Polisi ar basio drwodd
 Atodiad F: Polisi ar adolygiadau cyfraniadau
 Atodiad Ff: Polisi ar reoli risg salwch
 Atodiad G: Polisi ar adael y gronfa

5. ARGYMHELLIAD

Gofynnir i'r Bwrdd adolygu'r Datganiad Strategaeth Cyllido a'r polisïau cysylltiedig.

Yn dilyn y broses ymgynghori bydd y Pwyllgor Pensiynau yn cael fersiwn derfynol o'r Datganiad Strategaeth Cyllido i'w fabwysiadu erbyn 31 Mawrth 2026.